

序

陽武地名三代列國時均不可
放秦罷侯而尉置陽武縣屬三
川郡史記陳丞相世家云陳丞
相平者陽武戶牖鄉人也陽武
之名遂著於史傳自是之後他

邑名率代有沿革而陽武自秦
至

朝惟元省入延州餘皆相沿陽
武之有邑志按舊志創修於明
洪治癸丑時邑侯爲張林茂再
修於萬歷辛卯時邑侯爲王時

泰至

國朝順治己亥邑侯伍九官三修
之康熙庚午邑侯安如泰四修
之凡一邑之封域山川建置貢
賦政治風俗人物皆可按籍而
稽亦足以備一邑之文獻矣雖

然自庚午至今志之不修又歷
五十有六年矣按縣邑規制令
佐外僅設曹掾數輩供筐篚刀
筆之役非若古侯國有記言記
事之人編年紀月積久益多無
湮沒遺逸之患是則一邑中廢

興沿革盛衰臧否之故所恃以
信今傳後垂諸无窮者惟志而
志未修之際所恃以覩記傳聞

發微闡幽者惟二三父老苟歷

時既久採擇无人老成彫謝則
一時之事有足爲志乘光者咸

與之俱逝由斯以言陽武未有
是志之先自元遯之於秦其間
之山川變更土田荒闕利弊興
革風俗移易人材茂出當不止
志中之所紀載者然也卽既有
是志之後由今乾隆乙丑遯之

於明洪治癸丑三百餘年間邑
志皆闕數十年始一修凡志之
所備載者因信而可徵而中間

採訪無由典籍莫據遂至磨滅
不彰同腐草木者又不知凡幾
詎不重可惜耶此纂輯之不可

以再緩也邑侯德清談君雅擅
史才由

內廷教習來宰斯土年餘政通人和
奉

大憲文檄重輯邑志閱四月而
書成余讀之喜其書之簡而該

詳而確書數言載於簡端時

乾隆十年歲次乙丑夏五月朔

日知開封府事廣順朱繡撰

--	--	--	--	--	--	--

增修陽武縣志序

古諸侯之國地方百里皆得置

史官司紀述凡其政教弼令山

川景物舉存之籍故以杞證夏

以宋證殷孔子慨諸文獻而韓

宣子聘魯即謂周禮盡在以魯

有春秋故也但名史而不名志
迨越太史公至於班氏漢書乃
名曰志其天文地理食貨文藝
諸篇遂為後世纂修之祖而規
制一本史記則子長洵千古作
志之始也然議者猶曰史遷蒐

採於紀載飛灰之餘風神獨運
而疎宕處多嗚呼纂志詎易言
哉陽武古博浪地秦以前不可
考自易封建為郡縣而陽武以
名陽武之有志其所從來遠矣
我

國家定鼎以來邑侯安君於康熙
庚午歲脩詩成書迄今五十餘
年其書已有零落磨滅未可盡
悉者況後此之事蹟俱未增脩
陽之志上名存而已余自癸亥
承乏茲邑日惕冰淵懼弗克勝

奉 方伯趙公命增修邑志興
廢舉隆誠盛典也第事實必詢
之遺老載紀必求之典故今既
未可徵信矣若欲意為繁簡又
恐涉於誕妄必得本邑薦紳庠
彥出其高魯之信聞刪其繁補

其簡重繪一家言而後可於是
簿書之暇與孝廉楊君明經陳
君博士弟子負費生樊生等博
採風謠廣諮輿論始自康熙庚
午迄於今歲乙丑其間仕宦之
升沉人物之盛衰建置之改常

易新豐歟之曰時補救一人訪
求而比櫛之以至孝義貞烈一
節勿遺文賦騷歌片長必載彼
此參稽互相較讐凡三越月而
書成提其卷一十有二列其目
五十有八爰授之梓以報